



INDGÅET

26 FEB. 2014

Uunga
Inatsisartunut ilaasortaq
Per Berthelsen
-/ maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Siumut sinnerlugu Inatsisartunut ilaasortap Per Berthelsen-ip § 37.1
naapertorlugu napparsimmavimmi tissisaarisartoq pillugu apeqqutaanut
allakkatigut akissuteqaat.**

24. februar 2014
Suliap nr. 2014-096378
All. Nr. 1497183

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Inatsisartunut ilaasortaq apeqquteqaatai pillugit qutsavigaara. Tullerriiarlugit ataani
akineqarput.

**Dronning Ingridip napparsimavissuani napparsimmavimmi tissisaarisartoq qanoq
atorneqartigiva?**

Dronning Ingridip Napparsimmavissua napparsimmavimmi tissisaarisartumik, sap. ak.
marlussoriarluni nal. ak. marlunni pulaarteqartarpoq. Tissisaarisartoq meeqqanut
immikkoortortamiinnerusarpoq, immikkoortortanulli allanut meeqqanik uninngasulinnut
utaqqiviusunullu - soorlu Dronning Ingridip Peqqissaavianut takkuttarluni.

**Peqqinnissaqarfitta ataani napparsimavinni allani napparsimmavimmi
tissisaarisartoq qanoq atorneqartigiva?**

Napparsimmavimmi tissisaarisartoq- meeqqat sullinniakkat uninngasuummata Dronning
Ingridip Napparsimavissuani taamaallaat atorneqarpoq. Napparsimmavimmili
tissisaarisartoq Qaqortup Napparsimmavianut tikeraassamaarpoq.

**Napparsimmavimmi tissisaarisartoq qanoq taperneqartarlunilu
akissaaserneqartarpa?**

Tissisaarisartoq aningaasaliissutinik aningasaateqarfinniillu tunniussanik taamaallaat
aningaasalersorneqarmat, aaqqissuussaanikkut ingerlatsinikkulluunniit
peqqinnissaqarfimmut atanngilaq.

Nakorsartittunut immikkoortortaqruiup meeqqanut immikkoortortap inissisimaffigisaata,
nalinginnaasumik suleqatigiinneq ingerlataraa. Nakorsartittunut immikkoortortaqrufik
napparsimmavimmi tissisaarisartoqarnermut aningaasaliissutissanik
aningaasaateqarfinnit aamma qinnuteqartarpoq. Aningaasaliissutissatut
pisariaqartinneqartut ukiumut 80.000 koruunit missaaniittut naatsorsuutigineqarpoq.

**Nunatsinni napparsimmavimmi tissisaarisartup atorneqarneranik misilittakkat
suuppat?**

Napparsimmavimmi tissisaarisartup meeqqat nappaamminnik
eqqarsaateqarnissaraluannik allamut saasaareqataasarnera, meeqqanut
napparsimasunut iluaqutaavoq, meeqqallu napparsimmaviup ulluinnaanit allamut
saatsinneqatsiartarput. Meeqqanut sivisuumik uninngasariaqartunut

nuannerpallaanngitsumillu misissortittarialinnut tapersersuisutut, tissisaarisartoqarneq naleqarnepaasarpoq.

Pineqartup peqqinnissaqarfitsinni siunissami atuinnarneqarnissaa ineriartortinneqarnissaalu pillugit eqqarsaatersuuteqartoqarpa?

Peqqinnissaqarfik pinaveersaartitsinermit katsorsaanernullu atatillugu iliuuseqartussaammat, aningaasatigut sulisoqarnikkullu nukissat taakkunungaannaq atorneqartarput. Napparsimmavimmi tissisaarisartup meeqqanik uninngasunik tapersersuilluni suliaa annertoq, peqqinnissaqarfiup pingaartitaraa. Suleqatigiinnerup aningaasanillu aningaasaateqarfinit noqqaanissamut, allaffissornikkut ikiuussinnaaneq qinnuteqaatinik nassiussuisarnermi periarfissaatikkusuppaa. Kalaallit Nunaanni ullumikkut siunissamilu meeqqanut napparsimasunut neqeroorutit misissuiffiqineqarnissaat pillugu, qanittumi suliamik aallartitsisoqarnissaa naatsorsuutigineqarpoq. Tamatumunnga atatillugu napparsimmavimmi tissisaarisartup suliai oqallisaasunut ilaassapput.

Inussiarnersumik inuulluaqqusillunga


Steen Lyng